


საქართველოს პატრიარქი

იუმორისტ.
ჟურნალი

№ 26



სარედაქციო კოლეგია

არსად, არც ერთ რედაქციაში ისე მწყობრათ და უჩხუბრათ არ წყდება საჭირობოროტო კითხვები, როგორც ჟურ. „კირკიმალის“ რედაქციაში. აი ამ სურათზე გამოხატულია მთელი სარედაქციო კოლეგია:

მარცხნივ. ბ-ნი მთვალე.
 — ვალი.
 — ალი.
 — ლი.

მარჯვნივ. ბ-ნი ილაფთ.
 — ილაფ.
 — ილა.

თფილისი 26 ივნისი.

(ამ პირველ მოწინავე წერილს ვუძღვნიტ დიდებული მგონის აკაკის ხსოვნას, რომელსაც ი. იმედაშვილის სიტყვით, ძლიერ უყვარდა ამგვარი მოწინავეები).

გინახავთ თუ არა, დახუთული ცხენი? დიახ, ცხენი! ფეხებს რომ ატყაპუნებს და ნაბიჯი კი ვერ გადაუდგავს. ანუ გუბე, რომელიც ერთ ადგილას ელაცუნება და ორფერი მოძრაობა აქვს, — ჩააგდებ კენჭს წინწკლები აღელდებიან, ქვა ძირს წავა, წყალი ზევით დარჩება.

აი სწორეთ ასეთ მდგომარეობაშია დღეს ჩვენი მეღბომენა. ის დახუთულ ცხენივითა სდგას და ჩააგდებ თუ არა შიგ კენჭს წინწკლები აღელდებიან, ისევე დაწყნარდება, ფეხი ვერსად გადუდგავს.

დგომა — ცდომია! უკვე ზაფხული ზაფხულობს და მეღბომენა სდუმს, მისი ქურუმნი დახუთულ გუბესავით ერთ ალაგას ფეხებს ატყაპუნებენ, ერთნაირად უმოძრაონი, უგულვრილონი.

მართალია ჩვენს მეღბომენას საკუთარი ტაძარი არა აქვს, ნავთსაყუდარს მოკლებულია, არა აქვს შინაგანი და გარეგანი სიცხოველე, მაჯის ძლიერი ცემა, ცხოველი ნაფიქრევი და ნააზრევი, მაგრამ საჭიროა სიფრთხილე, უგერგილობა.

უკვე ზაფხული დგას. დგომა — ცდომია! რას შევბიან ჩვენი მეღბომენის მსახურნი და ქურუმთ მთავარნი? ნუ თუ ისინი კვლავინდებურად გამოიჩინენ სამოქმედო ენერჯიას და ნაბიჯს გადადგავენ, თუ განაგრძობენ რაც გუშინ იყო ხვალაც იგივეს. დგომა — ცდომია, ბატონებო.

ინდოურის ბრალია!

მხნე და ქარმაგი, ახალგაზრდური სიხალისით ეჯდა ალექსანდრ ივანიჩი თავის მაგიდას ქალაქის სამმართველოს კაბინეტში. მრავალი წლის დაუღალავ მოღვაწეობას წარსულში, და 11 საათისას ამ უკანასკნელ დღეს, ოდნავაც არ მოეკანცა მისი მოძრაობი ხასიათი. მხიარულობა უკრთოდა სახეზე და იმედის თვალით გასცქეროდა მომავალს.

— რაკ, რაკ, რაკ! გაისმა კარებთან შორიდებულოი რაკუნო.
— შემობრძანდით!

კარები მოკრძალებით გაიღო. კაბინეტში ოთხი სტუდენტი შემოვიდა. გარეგნობით ეტყობოდა, ოთხი ეროვნების წარმომადგენელი იყვენ.

— რითი შემიძლია გემსახუროთ?

— ჩვენი ინსტიტუტი უმოაჩილესადა გთხოვთ, ხვალ ლექცია წაიკითხოთ ჰიგიენაზე.

— ეგ რომელი ინსტიტუტია?

— სამთო-საინჟინერო ჩუღურეთისა.

— აჰა! ძალიან კარგი, მაგრამ ხვალ მხოლოდ ერთი საათი მაქვს თავისუფალი: ათიდან თერთმეტამდე. დილით ვკითხულობ ნავთლუდის პოლიტექნიკუმში, შემდეგ საექიმო აკადემიაში წყნეთის ქუჩაზე. თერთმეტიდან თორმეტამდე დიდუბის სამეურნეო ინსტიტუტს შევპირდი; თორმეტიდან სამ საათამდე....

— წკრრრ... წკრრრრ... წკრრრ... დაიწკრი-ალა ტელეფონმა და ალ. ივანიჩმა ლაპარაკი შესწყვიტა.

— დიახ, ქალაქის მოურავი გელაპარაკებათ... აჰა... სთხოვეთ ჩემ მაგიერ დაწყნარდენ... მე თაობაში ვთქვო, რომ ნაძალადევი უნივერსიტეტი მოუსვენარი იქნება მეთქი... პოლიცია... ოო... არა, არა! ძალიან კარგი... ეხლავ გაახლებთ კომისიას... მშვიდობით.

— ამგვარათ მე შემიძლია თქვენს ინსტიტუტს ხვალ მხოლოდ ერთი საათი შევსწირო, აღერსიანი კილოთი მიუბრუნდა მოურავი სტუდენტებს.

— გმადლობთ.

სტუდენტები გავიდენ.

კაბინეტში შემოდის მდივანი მოურავისა დარჩო პანჩო, პორთფელით და იქვე სავარძელში ეშვება.

— გუშინდელი დღე რაღაც უჩვეულო დღე გამოერია, — დინჯათ დაიწყო მდივანმა.

— რა მოხდა ასეთი? ჩვენი ცხოვრება ისეთს სასურველ კალაპოტშია ჩავარდნილი, რომ მოლოდინი რაიმე ხიფათისა განდევნილია.

— წუხელ კოჯორიდან მომავალი მატარებელი ოქროყანის ზემოთ დაეჯახა ხბოსა და გასრისა.

— როგორ? ვინ გაუშო ეგრე უპატრონოთ ხბო? საჭიროა პატრონს გაუფრთხილებლობისათვის ჯარიმა გადახდეს და სამართლიანობისათვის ზარალიც ეხლოს. უბედურობის ადგილს დეზინფექცია გაუკეთდეს, რომ რაიმე მავნე ბაცილამ ფეხი არ მოიკიდოს.

— ეგ ყველაფერი უკვე ასრულებულია. სპე-

ცილისტების აზრით ორთქლმავალის კვამლი ძლიერ ვნებს მთაწმინდის პარკში ძვირფას ხეებს და მოითხოვენ მატარებელთა მოძრაობა ელექტრონის ძალით სწარმოებდეს.

— მოვახსენებ ქალაქის საბჭოს.

— აი ეს ქალაქი კონსერვატორიის დირექტორისა გახლავთ. ვთხოვს ხვალ დაესწროთ წლიურ აქტს, სადაც კურს დამთავრებულთ დაფნის გვირგვინებით დააჯილდოებენ.

— ხვალ დრო არა მაქვს!

— როგორმე უნდა მოახერხოთ. ავლაბრის სასულიერო აკადემიის რექტორს მე თითონ ვუთხარი თქვენს მაგიერ უარი.

— კარგი გიქნია.

— ეს იმიტომ ვქენი, რომ თქვენ აუცილებლათ უნდა დაესწრათ დიდუბის ტბაზე ნავებით შეჯიბრებას. სადამოსთვის არის დანიშნული. ეს ტბა მართლაც მშვენიერაა ჩვენი ქალაქისა. მართალია, ქალაქს მისი მოწყობა თითქმის ორი მილიონი დაუჯდა, მაგრამ სარგებლობა მალე ანაზღაურებს დანახარჯს.

— სასიამოვნოა. ფიზიკურ ჯანმრთელობას დიდი მნიშვნელობა აქვს მოქალაქეთა კეთილდღეობისათვის. ვეცდები დავესწრა.

— წუხელ ზოოლოგიურ ბაღში კინაღამ მარცხი მომხდარა. ვიღაც სოფელელ ბავშვს სპილოსთვის ერთი კოლოფი ბურნუთი მიუცია. სპილო გაცოფებულა და დიდი არევ-დარევის შემდეგ დაუწყწარებიათ.

— ახ ეს სოფელი, სოფელი!

— უნდა ვეცადოთ როგორმე სოფელშიაც განათლება შევიდეს. ქართლში ექვსი სოფელი აღმოჩნდა, სადაც არა თუ ინსტიტუტი, უბრალო გიმნაზიაც არა ყოფილა.

— გუშინ გადაწყდა ქ. გორამდე მეხუთე ლიანდაგის გაყვანა. გზა პირველი ფაქტორია, სისუფთავის შემდეგ, ხალხის ჯანმრთელობისათვის.

— ქუჩების მრეცხავი მუშები ხელფასის მომატებას მოითხოვენ. დღე და ღამეში ერთხელ საპნითა და ჩოთქებით რეცხენ თითქმის ყველა ქუჩებს, მეორეჯერ მარტო წყლით.

— ჰო მართლა, არ დამაფიწყდეს: წყლის გამოკვლევამ რა აღმოაჩინა?

— აბსოლიუტურათ წმინდა წყალი ვერ მოვიყვანეთ. ეს მაშინაც არ იყო, როცა მცხოვრებნი წყალში ფულს იხდიდენ. გამოკვლევამ აღმოაჩინა, ვედრო წყალში ერთი მეათედი ნამცეცი რაღაც უცნობი ბაქტერიისა.

— სთხოვეთ ბაქტერიოლოგიურ ინსტიტუტის გამგეს, გამოიკვლიოს ამ ბაქტერიის ხასიათი.

— ორთაქალის მებაღეთა სინდიკატი დაჟინებით მოითხოვს გემთა მიმოსვლა დიდუბესა და ავქალასთან უფრო რეგულიარულათ მოეწყოს. ეს საკითხი მჭიდროთ დაკავშირებულია სანოვაგის მოწყვრიგების საკითხთან და სიჩქარეს ითხოვს.

— დღესვე დანიშნე სანაოსნო, ფინანსიური, იურიდიული და ტექნიკური კომისიების შეერთებული სხდომა. კაპიტანთაც დაუძახეთ.

— „ღრმა ღელის“ ქუჩა ერთად ერთი დარჩა, რომელსაც ტრამვაი არ ჩაუდის. მცხოვრებნი დიდ გასაჭირს განიცდიან. დეპუტაცია გახლდათ. მოითხოვენ გაყვანილ იქმნას შტო.

— ასეთი უბრალო საკითხი, პირდაპირ კომისიას გადაეცი. დაუკვეთონ კრწანისის ქარხნებს რელსები, ვაგონები და გაიყვანონ გზა.

— ფასი ბილეთისა?

— ფასი ჩვეულებრივი, ერთი კაპიკი. მე მახსოვს, როცა მიხაილოვის ქუჩის კუთხიდან პიროგოვის ქუჩით მველ სადგურამდე ბილეთი შაურით ღირდა.

— ნუ თუ ეს მართალია?!

უარესი დროც მახსოვს. სანოვაგის სიძვირე უკიდურეს წერტილამდე იყო მისული. ჰო, მართლა, რა ნიხრია დაწესებული მომავალი კვირისათვის?

— მცირედი ცვლილებით: 1) პური პირველი ხარისხისა 2 გირ. 3 კაპეიკი. 2) ხორცი ოყა 8 კაპეიკი. 3) შაქარი 2 გირ. 11 კაპ. 4) ყველი ოყა 10 კაპ. 5) ერბო ოყა 40 კაპ. 6) ნავთი (ხმარობენ მხოლოდ სამზარეულოსათვის) გირ. 1 კაპ. 7) თევზი (ზუთხი და კალმანხი) ოყა 17 კაპ. 8) ქათამი 13—25 კაპ. 9) გოქი 75 კაპ. 10) ინდაური 57 კაპ. გასულ კვირაში, როგორც გემახსოვრებათ 54 კაპ. ღირდა.

— როგორ? ეგ ხომ სპეკულიაციაა! რას იტყვის ამაზე ისაი მარკოვიჩი?! ეს შეუძლებელია! სამი კაპეიკის ერთბაშით მომატება. ესლავ წაიდებ-ნ შაშკოვსკისთან ეს წერილი...

ალექსანდრ ივანიჩმა მძლავრად გამოსწია სა-
წერი მაგიდის უჯრა და თვალვებში მზის სინათლე
მოხვდა.

— უჰ, მეცხრე საათია! უკმაყოფილოთ ჩი-
ლაპარაკა მან და სწრაფათ წამოდგა.

ვანნასა და პირისაბანში წყალი არ აღმოჩნდა.
მზარეულს პური ვერ ეშოვნა და მოურავი იძულე-
ბული გახდა სამსახურში პირდაუბანელი და უჩაიო
წასულიყო. გზაში მან მოაგონა დილის მშვენიერი
სიზმარი და მწუხარეთ ჩაილაპარაკა.

— იმ ოხერმა ინდოურმა დამლება, ინდო-
ურმა!

ეშმაკი.



მესტვირული

(სახუმარათვის და აგრეთვე ადგილთა უკუელთათვის).

ისევ ამიტყდა მესტვირეს მუზა,
ეგ შეჩვეული უჭირო ქირი,
რა ვქნა, ღმერთმანი, გულა აივსო
და თავისთავად ამღერდა სტვირი.

მოდო და შენც ზედ ნუ დაამღერებ,
როცა ის ჰანგებს თვით გიკარნახებს:
კილოს კილოზე მოავარაყებს,
და როგორც წყირო, გულის ძაფს ახებს.

არა, დუმილი აქ აღარ ძალმიძს,
ქამანჩამ გუდას მოუხსნა თავი.

შორს ხელმწიფება! ეხლა ამ წუთში
მისი მონა ვარ მე საცოდავი...

საქმეს შევუდგეთ. უნდა შევამკო
ზოგ ზოგი პირი, როგორც წესია,
რომ მოვამკიო ის უცილობლათ,
რაც მას უტყუვრად დაუთესია.

მართალი არის, ხოტბანი ჩემნი
კვლავ შაირულად უნდა მოვძახო,
მაგრამ შაირიც ხომ სარკე არის,
შიგ სახე შენი რომ დინახო.

აი ეს პირი, ანუ ეს გმირი,
„პარტიის“ კაცი, „სან-ფარი“ სრული,
ინტელიგენტურ დემოკრატიულ
ნამდვილი მუშა შტრეიკბრეხრულა.

ცნობილი თავის ღაწვთა სიმაგრით
და შუბლის ძარღვით ელასტიურით,
ღამით „ქალღლით შკოთხაობითა“
და ძვლის ჩხაკუნით ყოველდღიურით.

სხვისი ზნეობის ზე კრიტიკოსი
და ლექციურად ზედ მობასე,
თვით კი ზნეობის სამფლობელოში
როგორც მანასე: ისე, ხან ასე.

მოსწონს მას თავი გამარჯვებული
და თვისი „ჭრელი მებრძოლი ფარა“,
მაგრამ ზიზღს იწვევს თვისიანებშიც
ეს პარტიული ტაკი მასხარა!

აგერ ეს კაცი, ანუ ეს ქალი
ამაყი, როგორც იაღბუზია,
სხვა, თუგინდ იყვეს ღირსებით საფსეც,
მასთან, მითხარით ვინ რა ბუზია?

მხოლოთ მას შეგნის პატივისცემა,
არჩევნებშიაც თეთრი კენჭები.
რისთვის? საბუთი თვალსაჩინოა!
სიმაღლე, სიმსხვე, ფართე ბეჭები...

თუ ეს არ კმარა, აზნაურია,
თავადიც, თუ გსურთ, ვაჟარაც დიდი.
„უყვარს“ სამშობლო, მას ქვეც გაჰყიდის,
თუ სხვა არ შერჩა რამ გასაყიდი.

მერე რა? აქ ხომ ყიდვა-გაყიდვის
დაცულ იქნება ჯბრალეო წესი.
მას „ძმობის დროშაც“, ხელში უპყრია,
როგორც დაბალი ხალხის ანკესი.

ეგ მიტომ, რომ ის მეტევეზეც არის და ხელოვნურად ამმღვრევი წყლისა, რადგან ეს მისი სახსარი არის თავის გზტანის წლისაგან წლისა.

მაგრამ დროება დარაჯი არის ასეთი ჯურის ფარისეველთა და მათი ტიტვლად გამხეურების საქმე მომავალს უპყრია ხელთა!..



აი ეს „გეოც“ მღერის და მღერის და მას თვით მოსწონს თავისი კილო თუმც სხვების აზრით მისი სიმღერა სასაცილოა და სათაქილო.

„გეო, გაჩუმი!“ ეუბნებიან, „თუ შენცა გესმის ის, რასაც მღერი“...

გეო კი აბა რის გეო არის, რომ ამ შენიშვნამ უცვალოს ფერი.

მღერის და მღერის გეო ურჯულო, მას თითონ მოსწონს თავისი სიმღერა და ყურადღებას კი აღარ აქცევს, აგერ მე გუდა რომ გამოიბერა...



ასეთი არის მესტვირის ბედი: გულის მეუფე, მონაა გულის, სხვებს კი ჰგონიათ, რომ მესტვირულში ის გამრჩევი კარგის და ცუდის.

ტყუილი! მხოლოდ როდესაც გუდა ჩემი სხვებისგან გაიბერების, ნუ თუ იმავ დროს არ მქონდეს ნება ჩემსავყ სტვირზე მე დამღერების!..

ონისიძე.

„ქალაქი შიმშილეთი“.

(სახუმარო ტრადი-კომედიას ერთ სურათად)

მომქმედნი პირნი: ქ. შიმშილეთის მოქალაქენი.

(მოქმედება ხწარმოებს ქ. შიმშილეთის ქუჩაზე).

I

(ფარდის ახდისას სცენა ღამის ბურუსშია გახვეული. არაფერი მოსჩანს. სამარისებური სიჩუმეა; მხოლოდ ხანდისხან ამ სიჩუმეს ძილში მყოფი ადამიანის ამოოხვრა ან და ხვრინვა დაარღვევს. გავლის ცოტა ხანი და სცენაზე ოდნავ ინათებს, განთიადი ნელ-ნელა ახლოვდება, ბურუსი იცრიცება

იფანტება და ბოლოს მსმენელს გარკვევით წარმოუდგება თვალ-წინ ქ. შიმშილეთის საკმაოდ ფართე და მოგრძო ქუჩა. ქუჩა იწყება სცენის მარცხნივ, გადის მთელ სცენაზე და იკარება ქალაქის მაღალ შენობებში და სახლებში. ქუჩის თავში, სადაც მას უერთდება მეორე ვიწრო ქუჩა, რომლის მხოლოდ პაწია ნაწილი მოსჩანს სცენიდან, გაშენებულია პატარა დაბალი სავაჭრო რომლის განცხადებაზე შემდეგი წარწერაა: „Городская потребительная лавка“. ქუჩის ერთ მხარეზე რიგ-რიგობით ჩამწყვივებულია ხალხი, რიგი იწყება სავაჭროს დახურულ კართან, მიყვება გასწვრივ ქუჩას და იკარგება მის სიღრმეში. ეტყობა ხალხი დიდი ხნიდან არის რიგში ჩამდგარი, რადგან ზოგს თან სკამი მოუტანია, ზედ ჩამომჯდარა და რალაც ფიქრს მისცემია, ზოგს კი ტახტიც წამოუღია, გაუხდელათ ზედ წამოწოლილა და უშფოთველათ ხვრინავს, ზოგიც ფეხზე დგას ან და ზედ ქუჩაზე გალართხულია და პაპიროზს ეწევა, ყველას თითო კალათი ან ხელში უჭირავს ან გვერდზე აქვს მოდებული, სახეზე ყველას მოუთმენლობა ეტყობა, მათი თვალეები ხშირათ მიიმართება სავაჭროს დახურულ კარებისკენ. სინათლესთან ერთად სცენაზე მატულობს ხალხის ამოძრავებაც. ისმის გაურკვეველი ლაპარაკი და გუგუნი. ამავე დროს მარცხნივ, ვიწრო ქუჩაზე გამოჩნდება რამოდენიმე მომავალი მოქალაქე, ერთი მათგანი ძლივს მობარბაცებს, ხელს ხან მუცელზე იტაცებს და ხან თავზე, დანარჩენი თავიანთი მოდის და თან რალაცაზე მოლაპარაკობენ. მათ უკან მოსდევს შუა ხნის დედაკაცი, ეტყობა მრეცხავია, კაბა დაკარწახებული აქვს, ხელეები წამკლავებული, თითქოს ეს არის ეხლა მიუტოვებია სარეცხის რეცხვაო).

გამოსვლა ზირველი.

ზირველი მოქალაქე. (ბარბაცით და თავზე ხელის მოქერით).

თავი გიბრუის, სული მიწუხს; გული მერევა; ძლივსლა დავდივარ, დავბარბაცებ, სიცხე მერევა; ყურში მომესმის განუწყვეტლივ ქრიალ-წივილი,— უმცხვარმა პურმა ამიტება კუჭის ტკივილი.

(ხელს კუჭთან მიიდებს და სახე დაედრიჯება).

ოჰ, სად წავიდე, ვის მივმართო
დასახმარებლათ,
საშინელ სენის გასაქრობათ
გასაქარვებლათ...

მეორე მოქალაქე. (გააწყვეტინებს)

ეჰ, აზვიადებ, ძმაო ჩემო,
მაგ შენს გასაქირს!
ერთი მითხარი კუჭის ტკენით
აბა რა გიჭირს!
მისი მორჩენა მე თუ მკითხავ,
არც თუ ძნელია,
მას მოუხდება ერთი ჭიქა
ჩაი ცხელია...
შენ ჩემი მკითხვე, ჩემი ბოლმა
და იარები
ორი თვე არის ბაზარ-ბაზარ
დავიარები...
ხან კი გავრბივარ, როგორც გიჟი,
როგორც აფთარი,
რომ არ დამასწრონ, დროზე დავრჩე
რიგში ჩამდგარი...

... მაგრამ... ეჰ მაინც ვერ ვიშოვე
კენჭი შაქარი!!

(სიბრაზისაგან ტანში მივლის
კვანჩხისა ქარი!).

უშაქროთ რაა ჩემი ყოფა,
ჩემი ცხოვრება,
თუ არა ტანჯვა, მუდამ ძრწოლა
და მწუხარება!

უმისოდ ჩაი, რაც გინდ უყო,
მაინც მწარვა

გინდ ცივი იყოს, გინდ ნელ-თფილი,
გინდ მდულარეა...

ელს უიმედოთ ჩაიქნევს, შეჩერდება და ღრმად
აფიქრდება, მასთან ერთად შეჩერდებიან დანარჩენი
მოქალაქენიც).

ირველი მოქალაქე (უკმაყოფილოთ).

რათ ფიქრობ, ძმაო, რომ ეს ბედი
მარტო შენა გჭირს
და სხვას სრულებით შაქრის შოვნა
აღარც კი უჭირს?

მე მის ძებნაში უფრო ზედ-მეტ

ტანჯვას განვიცდი,
თითო ღუქნის წინ, თითო კვირას
ვზივარ და ვიცდი.

ეჰ, მასზე ფიქრი, მისთვის ძრწოლა,
გაწიწმატება,
ჩემს კუჭის ტკივილს ერთი-ორათ
ზედ ემატება!

მეორე მოქალაქე (ფიქრისგან გამოირკვევა, თავს ზევით ასწევს, ხელს ჰაერში გააშვერს თითქოს ვილაკას ელაპარაკებაო).

ჰოი, შაქარო! ვინ მომტაცა

მე შენი თავი!

ვინ ჩაიდინა საქმე იგი

საზიზღი ავი!

რომელ მექარხნემ, რომელ ჩარჩმა,

რომელ ვაჭარმა,

ღვთისგან წყეულმა, ცოდვით სავსემ
და აბეზარმა!..

ან სად დამაღლეს, სად ჩაგკეტეს

რომელ სარდაფში,

რომელ მიუვალ, მიუდგომელ

ციხე დარბაზში!...

ოჰ, გვედრები, ჩემო ყველავე,

სულზე უტკბესო;

ყველა საგანთა მეფეთ-მეფევე

და უკეთესო,

მარტვი ჭირიმე, სად ხარ ერთი

სმადი გამეცი,

თორემ ძებნაში გზა დავკარგე

სულით დავეცი!

(ხელეებს დაუშვებს და ვედრების თვალებით გასც-
ქრის ცის სივრცეს).

მესამე მოქალაქე (ამოიოხრებს)

ასეთ გასაქირს დიდი ხანია

მე შევეჩვიე,

კუჭიც წამიხდა, ჩაის სმასაც

გადავეჩვიე!

მე დღეს მაკვირვებს მხოლოდ ერთი

ჩვენი ამბავი,

(ვერ გავარკვიე თუმცა დიდხანს

ვიმტვრიე თავი)

თქვენც მგონი იცით ამას წინათ

მოხდა თათბირი,

რომ აღმოეფხვრა ხალხის ტანჯვა

და გასაქირი.

მისა შემყურეს სწორედ გითხრა

რწმენა მომეცა,

რომ ამის შემდეგ გვექნებოდა

ერბოც და რძეცა...

... მაგრამ გათავდა ის თათბირი
მწვიდი და წყნარი,
და რწმენაც გაქრა როგორც ტკბილი
ლამის სიზმარი..
მაშ რათ იწვევდენ ტყვილად თათბირს
იმ სავრობოს

თუ არ მოგვცემდენ პურზე საცხებს
კარაქს და ერბოს???

მეოთხე მოქალაქე (აღელვებით)

ქირს წაუღია თქვენი ერბო
თქვენი შაქარი
ჩემთვის ის მაინც მარტოოდენ
ოცნება არი
მე ვიქნებოდი მხიარული
და ბედნიერი
რომ აღმეჩინა სადმე ერთი
ყველის ნაჭერი.

(მრეცხავი დედაკაცი ყურს უფდებს მათ ლაპარაკს
და სახეზე უკმაყოფილება ეხატება).

მრეცხავი ქალი (თავისთვის).

ლაფი დაგასხი ყველას ემაგ
ქეციან თავზე!
აბა თუ დასძრან ერთი ენა
სხვა რამ საგანზე
სულ მუდამ კუჭი, მუდამ ქიმა
გაუმადლობა,
აი რა ახსოვთ და რაზე აქვთ
მათ მუდამ ბჭობა!
მე კი საწყალსა ჩემს ყოფნასა
და სიცოცხლეში
სხვა რამ საქმელი არ მინახავს
ჩემს თავის დღეში,
გარდა აღღრეულ ცივი წყალის
და ხმელი პურის
ისიც ხან ცომის, ხან დამწვარის
და დახრუკულის.
მაგრამ არაფრათ მივიმჩნევდი
ტანჯვას ამდონსა
რომ ვიშოვიდე სადმე მაინც
ოყა საპონსა.

(ქაქანით გადის საჩქაროთ).

მეხუთე მოქალაქე.

გული გამიტყდა, არას ვამბობ,
ვარ ჩემთვის ჩუმა...

მაგრამ თუ რამეს წავადგება
კიდევ ეს ღუმა.
ხომ ხედავთ გვიხსნის აგერ-ეგერ
ფურნებს ლავებსა,
აღარ დაგვაკლებს აწი შაქარს,
პურს, ბუბლიკებსა...

მეორე მოქალაქე. (ცის სივრცეს თვალს მოაშო-
რებს და უნებლიეთ მიიხედავს ჩამწკრი-
ვებულ რიგისაკენ. რომელსაც აქამდე ვერ
ამჩნევდა, და აღელვებით მიმართავს და-
ნარჩენებს).

თავი ვანებოთ ამ ლაყობას
დრო არის, კმარა,
ხომ ხედავთ ხალხი „ოჩერედში“
როგორ ჩამდგარა
ჩქარა გავიქცეთ, დავიკავოთ
სადმე ადგილი,
თორემ ეს არის დაგვეკარგა
შაქარი, ფჭვილი!

(ამ სიტყვებზე ყველა აღელვებით მიაშტერდე-
ბა ჩამწკრივებულ რიგს, ერთი საზარელი „ვაა“
აღმოხდებათ გულიდან და გაექანებიან რიგში ჩა-
სადგომათ.


მზე თანდათან ზევით იწევს და თავში უცხუ-
ნებს ხალხს, რიგში მდგომნი უკმაყოფილებას აც-
ხადებენ „რათ არ აღებენ ამდენ ხანს დუქანს“ მო-
ისმის აქა იქ. ბოლოს გაიდება სავაქროც. ამის და-
ნახვებზე ზოგი ტოვებს თავის ადგილს და პირდაპირ
დუქანისაკენ მიდის, მაგრამ მათ აკავებს პოლიციელ-
ნი. ორიოდ ბედნიერი მოქალაქე ასწრებს სავაქ-
როში შესვლას და საქონლის წამოღებას. მაგრამ
გაივლის რამოდენიმე წამი, სავაქროს კრებში გა-
მოჩნდება საშვალო ტანის ჩასუქებული ადამიანი
და ხალხს გადასძახებს:

„ბატონებო ვინაიდან საქონელი აღარ ათავდა,
ამით გიცხადებთ რომ ის უკვე...უკვე გათავდა!“

ხალხი ამ სიტყვებზე ერთხანს გაქვავდება, შემ-
დეგ ისევ ამომძვავდება, გაისმის საშინელი პრო-
ტესტი, ყველანი შემოერტყმიან სავაქროს. აღელ-
ვება თანდათან მატულობს).

(ფარდა კი ნელ-ნელა ეშუება)

პოდბიპენტა.



გ ე ნ ე რ ა ლ უ რ ი ს მ რ ტ რ ი

შუა ღამისას, ოდეს მთოვარე,
 სახე მიმქრალი და მგლოვიარე,
 მახათის მთიდან ჩაუქიტინებს
 სიბნელით მოცულ თფილისის ბინებს,
 იქ ფრონტი ხედება მოქალაქეთა...
 Родя орудия: „მოკალათეთა“.
 ისინი სდგანან დღიან ღამიან,
 მტვრით და ქვარტლით დაინამიან...

მარცხენა წვერო იმათი წყების,
 (ხელზე მსახურნი ყველა უწყების)
 „შაქრისა დუქანს“ დაეყარება,
 სად ლხინი სუფევს და ნეტარება.
 ფრონტის გარღვევა ამ „ციხის“ პირად
 მსხვერპლსა მოითხოვს დიდს შესწირად.
 და აი, როცა კვლავ იშულამა
 ფრონტს მოეცლინა ქალაქის „მამა“,

ჯარი გამხმევდა, ამოდდა სული,
 და ქუჩა იგი ბნელით მოცული
 კვლავ ახმაურდა, კვლავ გუგუნებ...
 (მოურავს წესრიგს ვინ დაუწუნებს?!)
 — Здорово братья! გაისმა ჭემა,
 ლაშქარმა უკრი გამოიქემა,
 და უბასუხებს ერთგული ჯარი:
 — Здравя жилаимь кусокъ шакари!
 ეშმაკი.

(სიმბლიციმუსიდან)



ექიმი. კუჭში ყველის ნამცეცი აღმოჩნდა. საკვირველია, თუ ასეთი მდიდარი იყო თავს რისთვის იხრჩობდა?

ქუდი და თავი.

ჯოჯოხეთისა
გამგე ეშმაკო!
ნება მომეცი
ვილაპარაკო.

მწადის გაუწყო
მცირე ამბავი,
მით შევაფასო
ქუდი და თავი.

დამეთანხმები,
არ არის ცუდი
როგორა ფასობს
თავი, ან ქუდი.

ზოგი თავია
ღირს მთელ ქვეყანათ
და ზოგი ქუდი
ას თავისთანათ.

ხომ ხედავ, რა ჰქნა
ომის ხანაშია?
ზღვა და ხმელეთი
სისხლით დანაშია.

მის მეოხებით
თითქმის სუყველა,
ევროპისაკენ
მიდის ნელ-ნელა.

ქუდეებით ბაძვენ
ევროპიელებს,
მაშ გაუმარჯოს
ისევ მთიელებს...

შეხედავ, მოდის
აგერ ბატონი,
მეტად ზეიადი
და თავ მამწონი.

ქვეყნის მხსნელს უგავს
მას თავის კანი
მიტომაც ხურავს
მთელი ბატკანი.

ამას გასცდები
 ცოტას მანამა,
 მეორეს ნახავ,
 ხურავს პანამა
 შეხედულობით
 კაცთა სწორია
 იტყვი: ნამდვილი
 პროფესორია!
 ამისგან ელის
 ქვეყანა ხსნასა...
 ფრთხილად იყავი,
 ნუ გასცემ ხმასა.
 მესამეს ხურავს
 შლაპა ჭინჭისა,
 მაჩვენებელი
 დიდი ნიჭისა.
 უცნაურია,
 ოთხ ნაჭრიანი,
 შიგ რომ თავი ძვეს
 გოგრა ქვეიანი,
 როგორც ვუყურებ
 ესეც კარგია
 ქვეყნის ჭირ-ვარამს
 შლაპით არგია.
 ნახე სიჩქარით
 რომ მობრძანდება
 საქმეზედ მიდის
 უგვიანდება
 ქულზე მიუკრავს
 ორი კაკარდა...
 (ქულის დაჩხვლევთა
 რათ არ ღაზარდა?)
 არ დავიყვირებ,
 გეტყვი ყურშია:
 ნასწავლი არის
 სამსახურშია.
 ქრთამებს არ იღებს
 მით გულ ჩვილია,
 ღმერთმა აჩუქოს
 ვისიც შვილია.
 შეხე მეხუთეს,
 ხმალი ჰკიდია...
 ეპოლეტებით...
 კაცი დილია...
 გუშინ თუმც იყო
 იგი ავარა,

დღეს შუბლი, მხრები,
 მოიჯავარა.
 ნუ თუ აჯობებს
 ეგ სულყველასა?
 იმისგან ველით
 დახსნას, შველასა...
 ამისთანები
 სხვაც მრავალია
 თავიც და ქუდიც
 შესაბრალია.

ან. განჯისკარელი.

სტატისტიკა.

თანახმად რედაქციის დავალებისა, დავიარე ნაწილი ჩვენი სამშობლოსი—გორის მაზრა, რათა გამომერკვია სტატისტიკური ცნობებით შემდეგი საკითხი: „რა გავლენა იქონია მიმდინარე ომმა ქალების გათხოვებაზე?“

დავიარე თითქმის ყველა სოფელი გორის მაზრასა, და გიზიარებთ იქ შეკრებილ ცნობებს.

პირველ ყოვლისა ვესტუმრე ქალაქ გორს. სადგურზე ჩამოხტომისთანავე დავრწმუნდი, რომ საქმე ცუდათ იყო. მთელი გორის სადგური მოქედლი იყო ლამაზი სქესით ანუ „პოლით“ და ისმოდა მათი მწარე მოთქმა:

გათხოვება გვი-ი-ი-ნდა...

გათხოვება გვი-ი-ი-ნდა...

დავეკითხე ერთ-ერთ ჩემს მეგობარს:

— კაცო, რა ამბავია ეს? ჩვენს დალოცვილ თფილისში ამისთანა სურათი ჩემს სიცოცხლეში არ მინახავს.

— ეჰ, ძმაო, თქვენი თფილისი მართლა დალოცვილი ქალაქია. აქ კი... ეჰ, რა ბევრი გელაპარაკო! ხუთი „ზაკონნი“ ცოლი მყავს და რვაც „უზაკონო“.

— მერე, რა არის ამის მიზეზი?

— რა და ის, რომ ყველა ომში გარბის გაფაციცებული. ვინც აქ რჩება კი—ვაი მისი ბრალი! რამდენი ვეხვეწე, რომ იცოდე, „ნაჩაღნიკს“: გამეზავნეთ, ბატონო ომში“. — „არა, არ შეიძლება, ფილტვები სუტი გაქვსო“.

ბევრი აღარ დავაყონე ხელათ შევბრუნდი ვაგონში, შევედი საპირფარეოში, გადავიცვი

ქალის ტანსაცმელი და გამოველ. მადლობა ღმერს, რომ წვერ-ულვაშს ვიპარსავ, თორემ ცუდათ წავიდოდა ჩემი საქმე...

ორი დღე დაეჩი გორში და შემდეგი ცნობები შევკრიბე:

გასათხოვარ ქალთა რაოდენობა უდრის 3000. მათი წლოვანობა ასეთია:

17—20 წლ.	. . .	1000	სული.
20—25	” . . .	800	”
25—30	” . . .	700	”
30—40	” . . .	300	”
40—45	” . . .	150	”
45—50	” . . .	50	”

ჯამი . 3000 სული.

ამათ რიცხვში ხუთასი მეტათ ლამაზია, ორი ათასი შუათანა სილამაზისა და დანარჩენი ხუთასი ც გონჯი. მზითვეი ყველას ბლომათ აქვს, რაც აიხსნება გორელ მცხოვრებთა მატერიალურ უზრუნველ ყოფით. აქაურ ქალთა საზოგადოება „მანდილოსანს“ გაუნებებია თავი წვერთა შორის უთანხმოებისა და ჩხუბისათვის და განუზრახავს დააარსოს რამოდენიმე ათეული საქორწინო კასა. საქმეების საწარმოებლად დღე-დღეზე ელიან ამ საქმის კარგ მცოდნეს, ივ. როსტომაშვილს. საქიროა აგრეთვე მათთვის გამოცდილი მაქანკალი*).

გორის გარშემო სოფლებში საერთო რიცხვი გასათხოვართა უდრის 20000-ს, ამათში უმეტესი ნაწილი ახალგაზრდანი არიან, მხოლოდ მზითვეი კი მეტ ნაწილს ძლიერ ცოტა აქვს. ზოგს სრულებითაც არაფერი არ გააჩნია. ცხინვალში და მის მიდამოებში შედარებით უფრო ცოტა გასათხოვარი ქალებია: სულ რაღაც 2000. ამათში სულ ყველა ლამაზებია, ჯან-ლონით სავსე, ახალგაზრდა და მზითვიანი. მარტო, რაც ოსურ ყველს გამოატანებენ თითო მათგანს, იგი ღირს ფასათ! (ნუ გაგავიწყდებათ, რომ თფილისში გირვანქა ოსური ყველი ოთხ აბაზათ ფასობს).

ხაშურისა და სურამის რაიონიც განიცდის სასიძოვების კრიზისს. ხაშურში 1000 სული, სურამში 600 სული, გარშემო სოფლებში 10000 სული გასათხოვარია. თუმცა აქ ამ საკითხს ისეთი მწვავე

ხასიათი არ მიუღია, როგორც გორში. აქ ყველას იმედი აქვს ღმერთი ჩამოუგდებს ან „სუდენტს“, ან „პრაპორჩიკს“.

რომ იცოდეთ, როგორ მეძნელება დისკანტი ლაპარაკი! მაგრამ, მეტი გზა არ არის! თუ არ მინდა, რომ ძალით რამდენიმე ათეული ცოლი შევიძინო—ქალის ტანსაცმელი უნდა მეცვას, დღეში ორჯერ ვიპარსავდე წვერ-ულვაშს და დისკანტი ვილაპარაკო...

დასასრულ ავიარე ბორჯომის ხეობაში. იქ ჯერ სრულებით არ უგრძენიათ სასიძოვთა ნაკლებობა. გასათხოვართა რიცხვი ჩვეულებრივია. წარმოიდგინეთ, ქალებს, მზითვეიც ბევრი არაფერი აქვთ, მაგრამ მიუხედავად ამისა, მაინც სახლში არ ურჩებათ მშობლებს გაუთხოვრათ. ეს ამბავი გაუგიათ გორში და ამიტომ მოსალოდნელია რამოდენიმე ათას გორელ გასათხოვარ ქალთა თავდასხმა და სასიძოვების მოტაცება. ამ უბედურების თავიდან ასაცდენათ ზომები მიღებულია. გაამაგრეს ტაშისკარისა და სარმანიშვილის კარის რაიონი და ჰყრიან ბაკურიანის რკინის გზას. უკანასკნელ გზას ანადგურებენ, რათა ზურგი გამაგრებული ჰქონდეთ და არ შეიძლებოდეს შემოვლა...

თფილისისაკენ გამობრუნებისას მოულოდნელი ხიფათი შემემთხვა. რადგან ჩემი მისია დავასრულე და ამიტომ საშიში აღარ იყო, რომ ქალებს ჩემზე იერიში მოეტანათ, გავიძრე ქალის ტანსაცმელი და ჩავიცვი კაცისა. მაგრამ, რაღაც ეშმაკად, გორის სადგურზე ვაგონის ფანჯრიდან თავი გამოვყავ. დამინახეს. წამსვე გამომათრიეს და ხელდახელ გადამწერეს ჯვარი ოთხ ქალზე! ერთსა ჰქვიან მაშო, მეორეს სონა, მესამეს თებრო და მეოთხეს—კეკელა.

მაშო ოცი წლისაა, მზითვით აქვს ატენში მამულები და გორში ორ სართულიანი სახლი, სონას ათასი თუმანი ნაღდი ფული აქვს, გარეგნობითაც არა უშავს-რა. თებრო გონჯია, არც არაფერი მზითვად აქვს. კეკელა ლამაზია მხოლოდ ოცდა ათი წლისაა და მზითვად ხუთი ბალიშისა და ერთი ცარიელი სკივრის მეტი არა გააჩნია-რა.

შევწვირე ზვარაკად პრესას!

გუგული.

* ქუთაისიდან შეიძლება დაბარება ბ-ნი ბარკალაიასი, თუ იქაურები დასთმობენ.

ვიკავებ მარა!

(სტენა)

გლახა თვალი არ მეიბრუნებოდა ჩემი ეზოს-
 ნ, სავსე ვიყავი კაცით-კაცობით; ჯალაბით-მეზო-
 ლობით, მტრითა და მოყვრით, სახლითა და ბოს-
 რით. იმე, ცაზე ხელი მეკიდებოდა. სიღარიბე
 ვალ წინ რაღა წარმომიდგებოდა. სხვებს ქე უქებთ
 როლეტარობას, მარა ჩემთვის, რომ ვინმეს შეე-
 ამებია მაგი, გულში გვეიწურებოდი, მარა მაინც
 უმათ ვიყავი. აი „ჩუმა“ კი გოუჩთვის ჩემი ცოდ-
 თ, ჩემი კერიის გამომფხვავს. არა, ძალიან ცუდ
 როს კი მოვესწარი მაინც. პეტერე ახალგაზრდა
 ამ ვყოფილიყავი და ამისთანა ამბებს გვერბინა
 მს წინ, მართალია პლასიონებში არ ვყოფილვარ,
 რა რაცხას მეც ქე ვისწავლიდი. ამ დროულ
 ცს გაზეთში ათჯერ არ ჩამიხედავს და ახლა კი
 ლასიონივით ვკირკიტობ შიდ. სწორეთ ზოგ
 ეტენტზე ბევრათ უკეთესი ვიქნებოდი, რომ სხვა
 რო იყოს და ის გემნაზიის კარების საბუთი, რომ
 ი იყოს საჭირო. ჰო ასეა, მარა ი გრიგოლაი,
 ამ არის ჩვენი საჯ(ა)ოხე(ლი), აი ის თფილისში,
 ამ დაყილობს სასტიპენდიოთ იმას არც ახლა
 მოუვარდები, მარა სად მცალია ამდონი ბატონო!
 დანე არ მოვახსენეთ, ოჯახი მქონდა, მარა რა
 ჯახი, ახლა კაცი სახლიდან გამცალეს. ერთი
 კილი თანთარისკენაა და ისე წერილს არ მეიწე-
 ება, არ იკვნესებოდეს საცოდავი, მეორე კოდომ
 ის ახლოსაა. ორი თოფ-ქვეშ დგას: ახლა ასწავ-
 იან ნიშნობიას და საცაა იმათაც იქით უკრავენ
 ავს. იმე ერთი რაღა არ მეკუთვნოდა ამდონის
 მზდელს? ქალები, ბაღნები და ეგი ორი მოხუ-
 ებული ამ დროულ კაცს შემომჩერებიან ხელ-
 ა, მეც მე უბედური ქე ვარ, ვარ კი არა ვმა-
 იობ ჯერ-ჯერობით, უვლი ოჯახს, ქალს ბაღანას.
 ას ვაწვდი მტერს და მოყვარეს. მყავს ღორი და
 იჭი; ინდოური და ბატი; ქათამი და კვატი; ჯახ-
 ეკე და ძროხა, ძაღლი და კატა. იმე ძაღლი, მა-
 ა რა ძაღლი. იმისთანა ჯიშის ღორი, რომ მყო-
 ოდა ჩემ ბედს ძაღლი არ დაყუფდა: გეიარს ცხრა
 ირე ჩემო ბატონო და გამოავარებს ცამეტ ლეკვს
 ისთანა დათითქვინებულს რომ, და-და და-და...
 ინი, რომ გოკები ყოფილიყო აბა მაშინ ვიქნე-
 იდი ბედნიერი კაცი. ახლა კილო ძუძუებს არ

იკითხავთ? რომ ჩამოაწყობს ამ ცამეტ ძუძუს, რომ
 ტყვილი არ გამომივიდეს თქვენთან, ორ ორა ჩა-
 რეკა რძე კი იქნება შიგ. ყველაფერი კი გამოუკვ-
 ლევიათ ამ ოჯახ აშენებულებს და ნეტაი იგიც
 გამეეკვლიათ; იქნება ქე დეეწყო ვინმეს მისი ჰამა
 და ჩემსას სულ ხსნილი იქნებოდა. იმე საძრახისი
 კი არაა ბატონო, გაჭირდა საქმე! სიმშილობაც
 კარზე მომადგა: მღვდელი არ მზოგავს და ბერი,
 მამასახლისი და მგელი, ვიკავებ ჯერ კიდე ქე ვი-
 კავებ, მარა ისთე გლახათ-კი ვატყობ საქმეს, რომ
 ისინი ომში გაწყდებიან და მე ათასი რომ ვიკავო
 მაინც გლახა საქმე მომელის და ვაპლორეტარებაც
 ა, კარხეა მომდგარი...

ა. ხაბულიანი.

ჩარჩითა ჩემპიონი

(კახეთისათვის)

მკითხველო, კახეთს ბევრი ჰყავს
 გამოჩენილი ჩარჩები,
 მაგრამ გაიცნობ ჩვენ „კუს“ და
 გაკვირვებული დარჩები.
 ეს „კუი“ გახლავთ რიყში*)
 ფარჩით მოვაჭრე ვაჭარი,
 რომლის წყალობით კახეთში
 ბევრს აუოხრდა სახლ-კარი.
 „კუისებრ“ დახელოვნებულს
 სხვას ვერა ნახავთ მგონია.
 ღმერთს გეფიცებით, რომ იგი
 ჩარჩების ჩემპიონია.
 თუ არა გჯერათ, მისმინეთ
 მოგიყვეთ მაგალითებსა,
 (ამის გამგონე, ყურებზე
 აუ მიიფარებთ თითებსა):
 უშაბ აამან-გოგირდოთ
 კახეთი სულოს რომ ღაფავდა,
 ეს „კუი“ თურმე ამ წამალს
 სარდაფში შეინახავდა;
 და როცა კახეთს წამალი
 მთლიანად გამოეღოა,
 და განიცდიდა დიდ საფრთხეს
 მთელი ალაზნის ველია,

*) თფილისშია.

„კუმა“ გამოჰყო ფეხები:
 „მსურს აგაცდინოთ ჭირიო,
 მოგყიდით შაბსა და გოგირს,
 თუმც ფასები აქვს ძვირიო“.

და ასე, ზღაპრულ ფასებში
 ჰყიდა უღმერთოთ წამალი,
 და გაასწორა მიწასთან
 გლები, ისედაც საწყალი.

რადგანაც ფასის აწევდა
 მას ვერ უკლოვდა სურვილსა:
 შაბში ქვას გამოურევდა
 და გოგირს ქატოს თუ ფქვილსა.

მეზი.

ჭ ი ა თ უ რ ა

(გასწავრ თფფაჯიანის სააკენტო).

მოხდა ყრილობა, სადაც დაწვრილებით განხილულ და აღნუსხულ იქმნა ცნობილ ჩარჩ ვაჭარ მიხა ლომიძის მოღვაწეობა და მისი ხალხისადმი გულშემმატკივრობა. აღმოჩნდა, რომ ბ. მიხა, მთელ ომის განმავლობაში არ ზოგავდა ენერჯიას და ხერელ-სარდაფებში თავისი ხელით აწყობდა და უნახავდა საზოგადოებას: საპონს, შაქარს, ფქვილს და და ათასგვარ საჭირო ნივთებს, რათა ომის შემდეგ ჩამოვარდნილ კრიზის-უმუშევრობის დროს დაეკმაყოფილებინა ხელმოკლე საზოგადოება. მართალია, ხან და ხან, ღამის ორ საათზე მეტურეები არ ასვენებდენ და თითო ცალს ფქვილს ძალის ძალათ გამოადგენიებდენ ხოლმე ხერელიდან, მაგრამ მოგეხსენებათ თავაზიანი კაცის ბუნება, თუ როგორი სათუთი და ჩვილია. მიხაც თავის გულჩვილობით და თავაზიანობით სტყუვდებოდა და მართალია ვაჭივრებულ ხალხისადმი დაგროვილ საჭირო საგნებს აკლებდა, მაგრამ ხალხი მას არასოდეს არ ავიწყლებოდა, თავისი თავაზიანობით იქამდისაც კი მივიდა, რომ ამ საერთო სიძვირის დროს თავნზე იკლებდა და ერთ ტომარ ფქვილზე 30 მანეთის მეტს არ იღებდა! ისიც იმისთანა დროს, როდესაც ჭიათურაში ქატოს ქამდა საზოგადოება პურის ნაცვლად. მიიღო რა კრებამ სახეში, მისი ასეთი ხალხისადმი გულშემმატკივრობა დაადგინა შემდეგი: „ხალხის გულშემმატკივარ, მიხა ლომიძის დუქნის წინ აღმართულ იქმნას მარმალის დეგლი შემდეგის წარწერით:

ესე ძეგლი, სიცოცხლეში,
 აღუმართეთ დიდ მიხელს,
 ხალხის მოსარჩლ-მოამაგეს
 „პატიოსან, ქორფა-ჯეილს“.

ეს წარწერა და ქვაზე ჩუქურთმის ამოღებ კრებამ დაავალა ცნობილ მხატვარ მოქანდაკეს და თა ლაბაძეს, რათა მან არ დაზოგოს თავისი ენერჯია და ის ღირს შესანიშნავი ასოთ სტილი სტეფან უგულავას „ვივესკისა“, რომელიც მის მადლიან ხელს ეკუთვნის, უსათუოდ გადმოღებულ იქმნას ძეგლზედაც. დასასრულ კრებამ დიდი მადლო გადაუხადა დიდათ პატივცემულ ღომიძეს ასეთ ხალხის ერთგულობისათვის და უბოძა ჭიათურის საზოგადოების საპატიო წევრის ხარისხი. როგორ მოსალოდნელი იყო ხალხის მოჭირნახულესაგა მიხამაც თავისი მხრით გადასცა კრებას ღირსეულობის დასარიგებლათ „ომისკის“ დროს აღმოჩენილი 21 ყუთი საპონი, რამდენიმე ათეული ტომარა ფქვილი პირველი ხარისხისა და სხვა მრავალ საქონელი. კრებამ ვაშას ძახილით და ხელში აყენილი მიაცილა თავის მალაზიამდე ჩვენი დიდებულ ხალხის მოსარჩლე მიხეილ ესტატიჩ ღომიძე.

გოგია.

დეპეშები.

(განმანაწ. ზუნგტი)

ნავთოული. „სათნოების და“ კუნტრუში ორი პრიზი მიიღო: ერთი სირბილში და მეორე კრივში.

იქიდანვე. „ღების“ საერთო საცხოვრებელ მაჯლაჯუნები გახშირდენ. ძალიან გადაემტერ კოლონაშვილს, ხშირად გაიტაცებენ ხოლმე, მრამ საბედნიეროთ უვნებლათ ბრუნდება.

იქიდანვე. საოჯახო ნაწილის გამგე ლაზარ თისა შ. კ-ტ-ვი დიდი ხანია სანოვანის რევიციას აწარმოებს, მაგრამ ბოლო დროს ძალი გაბარბაროსდა: ყველი აღკვეთა ხმარებიდან, (გადა ექიმებისა და ეკონომიის მოსამსახურეთა) ამ ბენ, ხორცსაც იგივე დღე მოელისო.

იქიდანვე. ახალგაზრდა ექიმი, გამგე პუნქტ ამბულატორიისა, ენერჯიული მუშა გამოდგა. როტი ენები ჰაერს სწამლავენ „ქორებით“, მაგეს „შურის“ ნაყოფია, რაც შეეხება მიხლომ წამლობას, ეს იქიდან სჩანს, რომ ფერმკრთა

პაციენტები რჩევა-გაშინჯვის შემდეგ ვარდისფერი ლოყებით გამოდიან.

ჯიმშერ.

რკინის გზის მთავარი სახელოსნო. ჩვენი ექიმი ოტპუსკს მაშინ აძლევს დასუსტებულ მუშას, თუ იგი, (მუშა) თან მღვდელსა და მგალობელთა გუნდს გაიყოლებს.

— უკვე განიკურნა კუჭის ავთომყოფობისაგან უმაღლესი ბრიგადირი. ამბობენ კუჭი ბ-ნ კ—ას მიერ მირთმეულ ცხვრის ხორცმა დაუზიანაო. რას იზამთ: „ნაჩუქარ ცხვარს კბილი არ გაესინჯება“.

ოზურგეთი. ბოქაულის განკარგულებამ სავაჭროთა დაკეტვის შესახებ ვაჭრები ძლიერ ააღელვა. მანიფესტაციას ხელმძღვანელობდა გიორგი ჯინქარ-ოღლი. გაემართენ მოედნისაკენ რევოლუციონური სიმღერით: „ჩვენ მსხვერპლი გავხდით თავხედ ნოქრების“...

ჭიათურა. კიტა აბაშიძე უარპყოფს ხმებს, თითქოს საბჭომ შეკავშირებულ მუშათა ძალას დაუთმო საბჭოს მოსამსახურეთა მოთხოვნის საქმეში. „პირიქით, მათი მოთხოვნების ამგვარათ დაკმაყოფილება საბჭომ ჯერ კიდევ მარტში დაადგინა და თუ ეს დადგინდება მე დღემდე დაუმაღე მოსამსახურეებს, ეს მხოლოდ იმიტომ, რომ სასიხარულო ამბის ჩქარა თქმით მეშინოდა ზიანი რამე არ მოსვლოდათო. ამას მავალედა მე ჩემი ამობრძოვი მზრუნველობაო“.

იქიდანვე. თანდათან ირკვევა ცნობილ მამულიშვილ-სოციალისტის რ. ანჯაფარიძის ფარული აზრები სარეცხი ქარხნის მიყრუებულ ადგილზე დაარსების შესახებ: ამით თურმე მას აზრათ ქონია იავის მუშების დაეფარა ანტი-სოციალისტური ელენტიების გავლენისაგან, რომ მათ კერძო საკუთარების ინსტიქტი არ განვითარებოდათ და ამის გამო ხელფასის მომატება არ მოეთხოვათ.

იქიდანვე. ინტრიგონე, ჩივანაშვილის ავადმყოფობა უცვლელია. გამოწერილი ექიმი ლაყბაძე იავიდა და შეუდგა მოვალეობის ასრულებას. მისი ხრით ადგილობრივ ექიმებს სავსებით ვერ გამოკვლევიათ ავთომყოფობის მიზეზები. მთავარი მიზეზი მუშათა გაზეთის მკითხველთა და შემომწირელთა პროგრესიული ზრდა არისო. წუხელ თურ-ავადმყოფს ნაწყვეტ-ნაწყვეტ აბოდებდა: „ამდენი

ნი თბილი სიტყვები... ამდენი ფულები... ოხ, წყეულიმც იყავით თქვენი მისალმებებითა და კაპიკებით... ახ, ერთი რამ თილისმა მომცა, რომ ერთი თითი გავაქნიო და სტოპ: შეწყდეს სალომიცა და წვლილიც... დავადუმო მათი ენა და ჯიბეც... მაგრამ არა... ვერ შევსძლებ... შეუღნებლგებია, მაგათი... და ასე. ექიმს ავთომყოფის ბალიშ ქვეშ გაზეთიდან ასეთი ადგილების ამოჭრილი ნაგლეჯებიც უნახავს.

ისემცრაგითხრა.

თელავი. რიყისაგან დაზარალებულ ოჯახთ, ცნობილმა ქველ-მოქმედმა გრაფინია პოზიევისამ დახმარება აღმოუჩინა „ჩაშკა ჩაით“.

— შეერთებულის ძალით ბ. კარბელაშვილმა და ავალიშვილმა იერიში მიიტანეს უპატრონო დარჩენილ ამხანაგობაზე. ჯერ-ჯერობით დანაკლისი ერთი ქალია, რომლის ადგილიც წამსვე შევსებულ იქმნა სვედიათი. დანარჩენი მოსამსახურენი პოზიციებს ამაგრებენ.

— ერთგული შრომისთვის, უმაღლეს მთავრობის განკარგულებით ადგილიდან გადაყენებულ იქმნენ: სულხანიშვილი, შავლიევი და ჭიკაძე მუნდირის ტარების ნებით.

— თუ ბოროტ ენებს დაუფერებთ, განზრახულია თელავის წმიდა ნინოს სასწავლებელი პრაპორჩიკების სკოლაში გადაიტანონ. მიზანი გამოურკვეველია.

— თელაველი ექიმები საჯაროთ აცხადებენ, რომ ქათმებისა და კვერცხის დაძვირების გამო შალაურელ და კურდღელაურელ ქალ პაციენტებზე ნიხრი აწეულია.

— რადგან თელავის ამხანაგობამ ლუკაშვილი შაბიამანითურთ დაჰკარგა და გავზავნილ მეძებრის კვალიც არსად სჩანს ამხანაგობა ძაძით შეიმოსა.

თელაველი.

ქ. არმავირი. შპ ამათვეს, 14 საათზე და 63 წუთზე ღვინით მოვაჭრე ბ-ნ ჯ-ძის „ზადვლის“ დარბაზში შესდგა ადგილობრივი დრამატიული სექციის ჩვეულებრივი საზოგადო კრება. კრებას თამაშობდა ბ-ნი დაბახბა. დიდი თათბირის შემდეგ სექციამ ჭიქების ყრით აირჩია გამგეობა 21 კაცი-საგან შემდგარი. კრებას დაესწრო სულ 8 კაცი. დიდი კამათი გამოიწვია მერიქიბის ამორჩევამ. დიდი შეხლა შემოხლის და „ბუთულკების“ გაცარიე-

ლების შემდეგ ეს ხელობა ებოძა მედვინე ივანეს და დავალა: რაც კი შეიძლება სისტემატიურათ მართონ წარმოდგენები „პადვლებში“, რასაც გამგეობა ენერგიულათ ასრულებს.

ხარჯი წ.-კ. გ. საზ. უნდა გადაიხადოს საზოგადოების კასიდან.

დროშა.

ხაშური. შესდგა „მანდილოსანი“-ს განყოფილების დამაარსებელთა კრება. მანდილოსნებმა აღთქმა დასდეს: ყველაფერში მიჰბადონ თავის მთავარ საზოგადოებას გორისას. ინტრიგა უკვე დაიწყო და ჩხუბსაც დღე დღეზე მოგველით.

ვარდენიშვილი.


ბუტუნას სსსკენტა.

(სასულიერო უწყების განყოფილებიდან.).

აბაშის რაიონი. ს. ონტოფოს სულიერმა მამამ, ერმილემ, სამრევლო სკოლის ანექსია გამოაცხადა. გააძვეა იქიდან ყოფილი მასწავლებელი და მის ადგილზე თავისი „გურაფილი“ შვილი დააყენა, ხოლო სამღვთო რჯულის მასწავლებლობა თავის განკარგულებაში დასტოვა. უკმაყოფილო მრევლი სამინისტრო სკოლას ითხოვდა, მარა „პრიგოვორი“, რომელზედაც მამა ერმილემ ხელი მოაწერია სოფელს, აღმოჩნდა სამრევლო სკოლაზე. მეორე მასწავლებლის მომატების სოფლის ხარჯზე და ეს მასწავლებელი მამა ერმილეს ნათესავი, ერმილეს ოჯახში მცხოვრები და მისივე ოჯახის შამოსავლის წყარო. გაბრაზებულმა მრევლმა ვეჟილი დაიჭირა და მოძღვარს ყალბი „პრიგოვორის“ შედგენა უჩაივლა. ერმილემ მოიმასქნა მრევლის „ატუკანტი“ და აიცილინა სასჯელი, ხოლო მთავრობისაგან ნებადართული სამინისტრო სკოლა მწვანე მაულის ქვეშ მოათავსა. მოთმინებიდან გამოსულმა მრევლმა ყოველივე ეს ეფისკობოზს მოახსენა, მარა მამა ერმილემ ეფისკობოზიც „არწმუნა“ თავის „სათნობასა“ და მრევლის გაურჯულოებაში. იმედ დაკარგულმა მრევლმა მოწაფეები არ გაუშვეს ერმილეს სკოლაში, მარა მამა ერმილემ გამოძიებელი „არწმუნა“ „სოფელში სახადი მძვინვარებს და მოწაფეები მე დავიანხოვე“, ხოლო გამცდარი წლის სასკოლო ხარჯები მათრახებით ასწაპნა მრევლს ზურგიდან. თავგანწირულმა მრევლმა მასწავლებელ ბოკერიას სარდლობით ომი გამოუცხადა მამა ერმილეს, ხო-

ლო ერმილემ 24 საათში მობილიზაცია უყო ცვის ჯარს ნათლიმამებისა და ნათლიდღებებისა: შემდგარს და თავს დაესხა მასწავლებლის არმი ბრძოლა ნამდვილი „სედანის“ განმეორება იყო 101 დღე და ღამეს გასტანა. გამოიჩვენა, რომ მთელს დაზვერვის საქმე ჩინებულათ მოეწყო ყველა სიმაგრეების მიგნება და აფეთქება შესძლტყვე ონტოფოელები სულს დაფავენ მამა ერმილ დიქტატურის ქვეშ, რომელმაც ყველა დაწესებლებაში თავის მოხელეები ჩააყენა, თავისი დინტიის განსამტკიცებლათ. დამორჩილებულმა მრევლამის გამო მამა ერმილეს „ეშმაკის მოციქულ უწოდა მეტ სახელათ, ხოლო ჩვენი მოხელის „მხიფაის“ განკარგულებით,

ყოველივე მის წინააღმდეგ აღრული ბრალდება დღეიდან წარედგინება რად აპარატ „გონვედის“ გამგე ბ-ნი „მხიფაის“ და ძველებურათ საეპარქიო კანცელარიას, სადაც ერმილეს შველოდა თავისი ნათლიმამები. მომჩნებს შეუძლია მიიქცენ შემდეგი მისამართით: **ჭვეთი.** სასულიერო უწყების გამგე ბ-ნი მხიფა.



გიორგი ლომთათიძეს. თანახმად თქვენი რილისა მიემართეთ „თეატრი და ცხოვრებ რედ. ბ-ნი ი. იმედაშვილს, გადმოეცა ჩვენთ თქვენი რვეული. ბ.ნმა ი. იმედაშვილმა შემოგთვალა: „ჯერ მე ამოვარჩევ შიგ დასაბეჭდ მასად და შემდეგ გადმოგცემთო“. ამგვარად: ვინაიც ჩვენი სურვილი იყო თქვენი შრომა დაბეჭდილი და ბეჭდვას კისრულობს ჟურ. „თეატრი და ცხოვრება“, რომ დანაწილება არ მოხდეს ნება გვიბძეთ ჩვენს სახელზე მოსული მასალა გადავსტუმოალნიშნულ რედაქციას. ველით პასუხს.





ახირებული მღვთვარეობა

რკინის გზის მთავარ სახელოსნოში ღამის ყარაულს თან ძალლი დაჰყავს. ძაღლის დანიშნულებაა მარაჯი არ დაძინოს, ამიტომ ჯამაგირიც მეტი ეძლევა.

ამ წინაზე, ერთ ამგვარ ზედამხედველ ძაღლს დაეძინა. მარაჯმა გაღვიძება ვერ გაუბედა და ვიცამ რკინის გზის რაიონიდან სამი ნაფოტი მოიპარა.

დაიბადა საკითხი: ვის უნდა გამოექვეითოს ჯამაგირში ნაფოტის ფასი?